



## Titulli i projektit

Nxitje e kultivimit të bimëve medicinale në tokën e papërdorur

## Tipi i projektit

Zhvillim i sektorit strategjik të bujqësisë

## Vendndodhja e projektit

Fshatrat e Koplikut, Qendrës, Gruemirës, Shkrelit

## Buxheti i paravlerësuar

30,000 Euro

## Përshkrimi dhe analiza e problemit/eve

Analiza ekonomike e Zonës Funksionale evidenton se janë rreth 3728 ha tokë bujqësore, të cilat nuk përdoren për asnjë lloj aktiviteti bujqësor. Dy format e rritjes së sektorit bujqësor janë: 1- rritja e produktivitetit dhe përfitueshmërisë së përdorimit të tokës tradicionalisht të mbjellë; dhe 2- mbjellja e tokës aktualisht jo në përdorim me kultura që kërkohen në treg dhe me normë kthimi të kënaqshme.

Nga studimi i tendencave të tregut në vitet e fundit, si dhe bazuar në mendimin profesional të ekspertëve të bujqësisë në zonë, rezultojnë se bimët medicinale janë kultura të cilat njihen gjerësisht në zonë, kultura për të cilat ekziston një traditë kultivimi dhe ka një treg të caktuar.

Hezitimi i fermerëve për të shtrirë kultivimin në toka të reja ka të bëjë me shpenzimet fillestare që duhen për këtë projes (fara, kosto e punës), si dhe me mungesën e sigurisë së produktit i ri do të gjejë treg.

Për të siguruar zhvillim të qëndrueshëm të bujqësisë në këtë drejtim (përdorim i tokës aktualisht të pambjellë), nevojitet një ndihmë për stadin fillestar të këtij projes. Ndiham adreson dy problemet kryesore të fermerëve: sigurimin e farës për mbjelljet dhe krijimin e sigurisë që produkti i kultivuar do të blihet nga grumbulluesit e mëdhenj.

## Qëllimi/et specifik të projektit

Objektivat e projektit janë:

- financimi i farës së bimëve medicinale për fermerët që rrisin sasinë e tokës së kultivuar duke vënë në përdorim tokë të re;
- sigurimi i kontratave të blerjes për sasinë shtesë të prodhuar nga grumbulluesit lokalë të bimëve medicinale.

## Rezultatet e pritshme dhe treguesit

Rezultatet e pritshme të projektit janë:

- Shtim i tokës së punuar;
- Rritje e qëndrueshme e sektorit bujqësor;
- Rritje e të ardhurave për familjet e fermerëve;
- Rritje e punësimit në bujqësi për familjet që shtojnë sasinë e tokës së punuar;
- Rritje e ekspertizës dhe traditës në kultivimin e bimëve etero-vajore.

# PROJEKTI 1



program i zonave funksionale

# pzf

## Aktivitetet e projektit

1. Studim i tokave aktualisht jo në përdorim dhe evidentim i tokave të përshtatshme për kultivimin e bimëve etero-vajore;
2. Promovim i programit te fermerët e zonës;
3. Thirrje për aplikim dhe llogaritje e kërkesës për farë për secilin fermer;
4. Dhënie e farës ose fidanëve në momentin e duhur për kultivim;
5. Monitorim i përdorimit;
6. Hartim i kontratave fillestare me grumbulluesit;
7. Monitorim i rezultateve për vitin e parë;
8. Përshtatje e objektivave dhe promovim i eksperiencave pozitive, me qëllim shtimin e aplikuesve në vitin e dytë.

## Maturimi i projektit

Programi për mbështetjen e kultivimit të bimëve medicinale në tokat e papërdorura dhe garantimin e tregut për produktin, në periudhën fillestare bazohet në eksperiencën pozitive në zonë për kultivimin dhe tregtimin e bimëve etero-vajore dhe në tendencën pozitive të tregut për këto bimë në katër vitet e fundit. Banorët e zonës janë të familjarizuar me kultivimin e këtyre bimëve. Ky program përputhet me strategjinë subvencionuese për bujqësinë të qeverisë qendrore, e cila vitin e kaluar nëpërmjet AZHBR, investoi në shtimin e kapaciteteve magazinuese të bimëve etero-vajore në zonën e Malësisë së Madhe.

Zbatimi i projektit nuk kërkon njohuri shtesë nga fermerët. Ajo që kërkohet është mundësi financiare për të përballuar kostot, si dhe krah pune i lirë në familjet e fermerëve.

Projekte të tjera, të cilat mbështesin industrinë përpunuese bazë të bimëve etero-vajore, janë drejtpërsëdrejti projekte që nxisin shtimin e prodhimit dhe të hapësirës së kultivuar me këto bimë.

## Burimet e financimit dhe partnerët në zbatim

AZHBR  
USAID  
BE  
JAICA

## Kostot e projektit

Kostoja e përafërt për subvencionimin e farës dhe promovimin e programit për tre vjet parashikohet të jetë rreth 30,000 Euro.